

HITZ BITAN

EKIALDE HURBILA. Arafat botatzea aztertzekoa zen

Israelek Jenin hiriaren setioa luzatu eta su-etenaz hitz egiteko bilera atzeratu du

Erredakzioa | DONOSTIA

Israelgo Armadak Jenin hiri palestinar autonomia inguratu zuen astelehen gauean, eta setiatzeko jarraitzen zuen atzo iluntzean. Inguratzeaz gain, Tsahal segurtasun indarreko hamar bat tanke sartu ziren hainbat metro Jenin barruan, eta 12 palestinar zauritu zituzten tiroz. Tsahalen operazio hau gertatu baino zenbait ordu lehen bi mugazain israeldar hil ziren eta beste bat zauritu zen Israel iparraldean gertatutako atentatu batean.

Jasser Arafat Palestinako Aginte Nazionaleko presidentearen eta Shimon Peres Israelgo Atzerri ministroaren artean atzoko iragarria zegoen elkar-

tzea ez zuten egin azkenean. Su-etenaz hitz egiteko xedea zeukan bilkura hau «zenbait egun baino lehen ez da egingo» azpimarratu zuen atzo Nabil Abu Rudeina Arafaten aholkariak.

Arafatekin hitz egitea baino gehiago, PANen alderat zelako jokaera eraman aztertzeko asmoa du atzo Ariel Sharon lehen ministroaren inguruan bildu egin zen Israelgo Seguritate gabinetek. Bilkura horretan proposamen nahiko gogorra egiteko asmoa zuten Sharonen gabinetean partaide dauden alderdi ultranazionalistetakako ministroek.

Hala, Silvan Shalom Ekipamendu ministroak proposatu behar zuen Jasser Arafat



EVAL WARSHAVSKY / EPA

Emakume palestinar bat, negarrez, Israelgo Armadak bere etxea suntsitu ondoren.

PANeko presidentea Israelek kanporatu egin dezan lurralde autonomo palestinarretatik. Shalonen eta bere alderdiko jarraitzaileen iritzian, Arafat bera da orain dela ia urtebete

hasi zen *intifada* jazarraldiaren bultzazaile nagusia. Azken batean, Sharonen gobernuak bere egiten du jada ikuspuntu hori, zeren eta israeldarren aurka gertatzen diren atentatu

guztien ostean, Israelgo Armadak kontraerasoak burutzen baititu Polizia palestinarraren edo Arafat buru duen Al-Fata erakunde politikoaren aurka.

TXILE

Estatu kolpearen urteurrena

Atzo gogoratu zuten txiletarrek Augusto Pinochet diktadorea agintera ekarri zuen 1973ko irailaren 11ko estatuko kolpearen 28. urteurrena. Santiagoko eta Valparaíso hirietako kaleetan egin-dako elkarretaratzeetan, borroka gertatu ziren ikasleen eta seguritate indarren artean. Alta bada, Txileko Gobernuak istiluei aurre egiteko plan bat indarrean jarri zuen, milaka polizia zabal-duta horretarako.

ERRESUMA BATUA

Tory-en presidentea zein izango den jakinen da gaur

Gaur jakingo da zein izango den toryen alderdi kontserbadorean presidente berria. Izan ere, atzo bukatu egin ziren alderdi barruko bozketa operazioak, kontserbadoreen 300.000 kideen artean aukeratzeko Iain Duncan Smith eta Kenneth Clarkeren artean. Azken honek baldin badu ere esperientzia zabalena —behin baino gehiagotan ministro egon baita— inkestek ematen dute Duncan Smith dela garaile.

IRAK

Hegazkin espioi bat bota duela esan du Bagdadek

Irakeko Armadako eledun batek ziurtatu zuen atzo aire esparru defentsak lurrerat bota duela Estatu Batuetako Armadaren piloturik gabeko hegazkin bat. Agorritarren 27an beste hegazkin bat bota zuela iragarri zuen Irakek.



CORNELIUS POPPE / EPA

NORVEGIA

Alderdi Laboristak irabazi ditu hauteskundeak

Astelehenean egin ziren Legebiltzarrerako hauteskundeetan irabazlea den Alderdi Laboristako presidente Jan Petersenek eskuineko eta zentroko alderdiei dei bat zabaldu die koalizio gobernu osatzeko. Ezen, 165 eserlekuetatik 85 dauzkate guztien artean eskuinekoek eta zentrokoek. Sozialdemokratek botoen % 24,4 besterik ez dituzte jaso bozetan.

AUSTRALIA

Nauru uhartea prest da etorkinak hartzeko

Nauru uharteko agintariak jakinarazi zuten atzo *Tampa* itsatsontzi norvegiarrak erreskatatu 500 legez kanpoko etorkinak eta aurretik harrapatutako beste 237 gehiago hartzeko prest direla. Alta, Australiako epaile batek Kamberra oker zebilela trenkatu zuen herenegun, baina John Howarden gobernuak helegin dio epai horri.



EPA



AP

TURKIA

Mutur ezkerreko talde batek bere gain hartu du Istanbulen atentatua, presoek borroka sustatzeko

DKKP-C, Herriaren Alderdi Fronte Iraultzaileak izeneko talde klandestinoak bere gain hartu zuen atzo astelehenean Istanbulen gertatu zen atentatu suzida. Bonba berarekin zekarren ekin-tzailea eta bi polizia hil ziren, eta beste hogeitasei lagun zauritu. Taldeak esan zuen ekintza burutu zuela Turkiako espesxeetan iragan martxoaz geroztik ezkerreko erakundeetako presoak egiten ari diren protesta gogorrari sostengua adierazteko.

EUSKO JAURLARITZA
GOBIERNO VASCOKultura Sailak diruz
lagundutako egunkaria